

wol verlutiert Cementiern / biß er an sich selbst rothfarb wird innwendig vnd außwendig. Difen nimb vnd reib ihn klein / in ein Kolbenglaß gethan / vnd gieß darauff das zugerichte Aq. Regis / das wol darüber gang / vnd zeuch auff vnd ab / biß das Wasser alles darauff gang / vnd gar bleibt. Darnach reib diesen Antimonium oder schwarzen Adler gar klein / thue ihn in ein weit Kolbenglaß / das er nicht dick vber einander lige / vnd gieß das vnverbrennliche Del vom schwarzen Adler darauff / das zimlich darüber gang / wol vnder einander gerührt / laß versigilliert in warmer äschen sich gemacht auff vier Tag vnd Nacht in linder werme arbeiten / So machet diß vnverbrennlich Del den flüchtigen schwarzen Adler fix vnd Feuerbeständig / vnd ist diß Cement ohn auffhören zugebrauchen.

Nimb ein bleiches Gold dünn laminiert / vnd mache mit dem fixen Cement S.S.S. im Tigel / decke den zu / laß also viersehen stund Cementiern / dann nim es herauß / so findest du das Gold auff 28. Caract. hoch / vnd bleibt die Coloris durch alle Proben.

Wann du eine  $\mathcal{D}$  fixam hast / das ist / ein fein Silber / dem die schwere genommen ist / vnd in das pondus deß Golds gefallen ist / vnd Cementierst dieselbe  $\mathcal{D}$  mit dem fixen öbern Cement / so wird es auch sehr hoch Gold in allen Proben bestendig.

### Nun folget das Wasser wie man damit procediern soll / das vnverbrennlich Del deß schwarzen Adlers Antimonij zu machen.

**D**er Allmächtig  $\mathcal{G}\mathcal{D}$  Et sey mein Zeug / das diese Kunst Antimonij warhaftig ist / darinnen hast du was dem Mercurio sein Herß zerbricht / darffst kein andere Coagulation auff Mercurium, dan thu im also:

Nimb Antimonium / vnd zeuch ihm nach gemeinem brauch die röhte auß / die nimb vnd reibe sie klein / thue sie in ein starck Glaß / vnd gieß ein starcken Weinessig darauff / der nach Alchimistischem gebrauch per se abgezogen zum andern mal / vermache das Glaß wol / setze es in die Digestion auff 15. Tag mit lindem Feuer / darnach nimme das Glaß herauß / vnd distillier den Acetum in MB. ab / trückne die röhte / reibe sie abermals klein / thue es wider in das Glaß / vnd gieß Salarmoniac Wasser / das der  $\ast$  per Sal commune sublimirt sey / vnd an der kälte dz Wasser solviert / vermache das Glaß wol / setze es widerumb auff die Digestion auff 30. Tag / nimb es herauß / vnd setz im einen Helm auff vñ distilliers / so gehn erstlich ein wenig phlegma, dann treibs / so gehen herüber rohete tröpfflin wie Blut / dz ist der rechte Safft / disen Safft nimb allein per se in ein Glaß / setze es zu Coaguliren in äschen biß es zu Pulser wirdt / vnd diß Pulser fließt wie Wachs. Dieses